

四庫全書

集部

欽定四庫全書

文苑英華卷二百八十六 宋 李昉等 編

留別一

梁元帝二首

何遜一首

任昉一首

吳均五首

劉顯一首

劉孝綽一首

宗史一首

庾抱一首

賀力牧一首

孫萬壽一首

孔紹安一首

王勃三首

盧照隣四首

駱賓王三首

褚亮一首

崔融一首

陳子昂六首

宋之問四首

崔湜一首

張說五首

蘇頲一首

王維二首

孟浩然五首

杜甫三首

李白三首

祖詠二首

常建一首

別荊州吏民二首

梁元帝

寄言謝桀黠無乃氣干雲安知灞陵下復有李將軍

二

莫言江漢遠烟霞隔數千何必黃丞相重應臨潁川

從鎮江州與故遊別

何遜

歷稔共追隨

類聚作遊

一旦辭羣匹復如東流水未有西歸

日夜雨滴空階天曉

類聚作曉燈

暗離室相悲各罷酒何時

更促膝

別蕭諮議行

任昉

離燭有窮輝別念無終緒岐言未及申離白

一作目

已先

舉揆景巫衡

一作符蕪

阿臨風長楸渚浮雲難嗣音徘徊悵

誰與儻有關外驛聊訪狎鷗嶼

一作鷺

凡一作皆藝文類聚

贈別新林

吳均

僕本幽并兒抱劍事邊陲風亂青絲絡霧染黃金羈天

子既無賞公卿竟不知去去歸去來還傾鸚鵡杯氣為  
故交絕心為新知開但令寸心是何須銅雀臺

發湘州贈親故別三首

前人

相送出江潯淚下霑衣襟何用叙離別臨岐贈好音敬  
通才如此君山學復深明哲遂無賞文華空見沉古來  
非一日無事更勞心

二

雲生曉靄靄花落夜霏霏問余何意別荅言倦遊歸徒

勞易水布空負洛陽衣懷金無人別抱玉遂成非安得  
久留滯商山饒白薇

三

君留朱門裏我至廣江濱城高望猶見風多聽不聞流  
蘋方繞繞落葉尚紛紛無由得共賞山川間白雲

壽陽還與親故別

前人

故人來送別帳酒臨行阡露繁秋色慢氣愴聲煎鴈  
渡章華國葉辭洞庭天復有向隅淚中腸皆涕連但願

千丈松結景雲之峰山高日華早枝多風彩疑重我還  
愛芳杜君住揖驪龍

發新林浦贈同省

劉

顯

見類聚

回首望歸塗山川邈離異落日懸秋浦歸鳥飛相次感  
物傷我情惆悵懷親懿

發建興渚示到陸二黃門

劉孝綽

見類聚

扁舟去平樂還顧極川梁猶聞棗下吹尚識杏間堂洛  
橋分曲渚官寺隱回塘客行裁跬步即事已多傷况復



千餘里悲心未遽央

別蕭諮議行

宗史

別酒正參差乖情將陸離  
悵焉臨桂苑愍然瞻華池  
輕雲流惠彩時雨亂清漪  
耿耿類聚追蘭徑悠悠結芳枝  
眷言終何托心寄方在斯

別蔡參軍

庾抱

人世多飄忽溝水易西東  
今日歡娛盡何年風月同  
悲生萬里外恨起一杯中  
性靈如未失南北有征鴻

亂後別蘇州人

賀力牧

徘徊睇閭闔，悵望極姑蘇。慨矣嗟荒運，悲哉惜霸圖。子  
常終覆郢，宰轄遂亡吳。石墮星方暗，山崩川自枯。周京  
摧棧樸，漢社落松榆。宮毀無巢燕，城空餘樂烏。茲邦號  
端委，多士自相趨。照廡同燕石，光車等魏珠。言離已惆  
悵，念別更踟蹰。若訪任公子，求余東海隅。

贈別

孫萬壽

昔我遊雲閣，及爾謬同官。高步參師友，長裾接綺紈。索

居方十載相思勞萬端不言今夕遇得盡故人歡酒隨  
彭澤至瑟即武城彈高齋屏餘熱珍簟宿輕寒葉落霜  
威重萸踈月色殘將歸動離恨彌傷行路難

別徐永元秀才

孔紹安

金湯既失險玉石乃同焚墜葉還相覆落羽更為羣豈  
謂三秋節重傷千里分促離絃易轉幽咽水難聞欲識  
相思處山川間白雲

秋日奉別王長史公

王勃

別路千萬里深恩重百年空悲西候日更動北梁

集作北京

篇野色籠寒霧山光歛暮烟終知難再奉懷德自潜然

別薛升華

前人

明月沉珠浦秋風濯錦川樓臺

集作關山

臨絕岸洲渚亘長

天旅泊

集作飄泊

成千里樓臺共百年窮途唯有淚還望獨

潜然

秋日別薛升華

前人

送送多窮路遑遑獨問津悲涼千里道悽斷百年身心

事同漂泊生涯共苦辛無論去與住俱是夢中人

西使兼送孟學士南遊

盧照隣

地道巴陵北天山弱水東相看萬餘里共以疑一征蓬  
零雨悲王粲清罇別孔融徘徊聞夜鶴悵望待秋鴻骨  
肉胡秦外風塵關塞中唯餘劔鋒在耿耿氣成虹

還赴蜀中貽示京邑遊好 前人

蘂宿花初滿章臺柳尚飛如何正此日還望

集作喜

昔多

違悵別風期阻將乖雲會稀斂衽辭丹闕懸津陟翠微

野禽喧戍鼓春草變征衣  
回顧長安道關山起夕霏

晚渡渭橋寄示京邑遊好 前人

我行背城闕驅馬獨悠悠  
寥落百年事徘徊萬里憂  
途遙日向夕時晚鬢將秋  
滔滔俯東逝耿耿泣西浮  
長虹掩釣浦落鴈下星洲  
草變黃山曲花飛清渭流  
迸集作逆水驚愁鷺騰沙起狎鷗  
一赴清泥道空思玄灞遊

從蜀還京贈別

已見二百六十七卷

盧照鄰

秋日別侯四得彈字

駱賓王

我留安豹隱君去學鵬搏岐路分襟易帆潮

集作風雲促膝

難夕漲流波急秋山落日寒唯有思鄉歸

集作歸

引悽斷為

君彈

西行別東臺詳正學士

前人

意氣坐相親關河別故人客似秦川上歌疑易水濱塞  
荒行辯玉臺遠尚名輪洩井懷邊將尋源重漢臣上苑  
梅花早御溝楊柳新祇應持此曲別作邊城春

別李嶠得勝字

芳樽徒自滿，別恨轉難勝。客似遊江岸，人疑上灞陵。寒  
更承夜永，涼景向秋澄。離心何以贈，自有玉壺冰。

晚別樂記室產

褚亮

窮途屬歲晚，臨水忽分悲。抱影同為客，傷情去此時。霧  
色侵虛牖，霜氛冷薄帷。舉袂慄將別，停杯悵不怡。風嚴  
征鴈遠，雪暗去蓬遲。他鄉有歧路，遊子欲何之。

留別杜審言并呈洛中舊遊  
崔融

斑鬢今為別，紅顏集作塵。昨共遊年年，春不待處處。酒相



留駐馬西橋上回車南陌頭故人從此隔風月坐悠悠

落第西還別魏四懔

陳子昂

轉蓬方不定落羽自驚弦山水一為別歡娛復幾年離  
亭暗風雨征路入雲烟還因北山逕歸守東陂田

以下六篇並見集本

落第西還別劉祭酒高明府 前人

別館分周國歸驂入漢京地連函谷塞川接廣陵

集作陽

城望迥樓臺出途遙烟霧生莫言長落羽貧賤一交情

春夜別友人二首

前人

銀燭吐青烟，金樽對綺筵。  
離堂思瑟瑟，別路遶山川。  
明月隱高樹，長河沒曉天。  
悠悠洛陽道，此會在何年。

二

紫塞白雲斷，青春明月初。  
對此芳樽夜，離憂悵有餘。  
清冷花露滿，滴瀝簷宇虛。  
懷君欲何贈，願上大臣書。

遂州南江別鄉里

集作

故人

前人

楚江復為客，征棹方悠悠。  
故人憫追送，置酒此南州。  
平

生亦何恨夙昔在林丘違此鄉山別長謠去國愁

別李參軍崇嗣

前人

四十九變化一十三死生翕忽玄黃裏驅馳風雨情是  
非紛妄作寵辱坐相驚至公集作獨幽覽窈窕隨昏明

咫尺山河道軒牕日月庭別離焉足問悲樂固能并我  
輩何為爾栖遑猶未平金臺可攀陟寶蓋絕將迎戶牖  
觀天地階基上杳冥自超三界樂安知萬里征中國要  
荒內人寰宇宙縈弦望如朝夕寧嗟蜀道行

留別之望舍弟

宋之問

同氣有三人分飛在此晨西馳巴嶺徼東去汶陽濱強

飲離前酒終傷別後神

集作誰

憐散花萼獨赴日南春

漢江宴別

前人

漢廣不分天舟移杳若仙秋虹映晚日江鶴弄晴烟積  
水浮冠蓋搖風逐管絃嬉遊不可極留恨此山川

積水

集作積氣

端州別袁侍郎

前人

合浦塗未極端溪行暫臨淚來空泣臉愁至不知心客  
醉山月淨猿啼江樹深明朝共分手之子愛千金

渡吳江別王長史

前人

倚棹望茲川銷魂獨黯然鄉連江北樹雲斷日南天鈞

別

集作  
劍別

龍初沒書成鴈不傳離舟意無限催渡復催年

贈蘇少府赴任江南余時還京

崔湜

丈夫不歎別達士自安卑攬泣固無趣銜杯空爾為流

雲春窈窕去水暮逶迤行舟忽東泛歸騎亦西馳秦地  
多芳草江潭有桂枝誰言阻遐闊所貴在相知

南中別王陵成崇

張說

握手與君別岐路贈一言曹卿禮公子楚媪饋王孫  
脩爾生六翮翻飛戾九閭常懷客鳥意會答主人恩

以下五篇並見集本

石門別楊六欽望

前人

燕人同窳越萬里自相哀影響無期會江山此地來暮

年傷汎梗累日慰寒灰潮水東南落浮雲西北迴俱看

石門遠倚棹兩悠

集作悲哉

端州別高六歌

前人

異壤同羈竄途中喜共過愁來時舉酒勞罷或長歌南  
海風潮壯西江瘴癘多於焉復分手此別傷如何

南中別蔣五向青州

已見二百六十七卷

前人

南中別陳七李十

二年共遊處一旦各西東請君聊駐馬看我轉征蓬  
盡  
鷓愁南海離駒思北風何時侶春鴈雙入上林中

陳倉別隴州司戶李惟深

蘇頲

京國自攜手同途欣解頤情言正的的春物宛遲遲忽  
背雕戈星疑旋瞻獲寶祠蜀城余出守吳岳爾歸思歡  
愜更傷此春殷殊念茲揚麾北林徑跂石南澗湄中作  
壺觴餞回添道路悲數花臨磴日百草覆田時有美同  
人意無為行子辭高歌拔劍起吾是答恩私



留別溫古上人兄并示弟縉 王維

解薛登天朝去時

集作師

偶將集作時

哲豈唯山中人兼負

松上月宿昔同遊止致身雲霞末開軒臨潁陽卧視飛

鳥没好依盤石飯屢對瀑泉歇

一作渴

理齊狎小隱道勝

寧外物舍弟官崇高宗兄比削髮荆扉但灑掃乘閒當

過拂

集作歇

留別丘爲

前人

歸鞍白雲外繚繞出前山今日又明日自知心不閒親

勞簪組送欲赴鷺花還一步一回首遲遲向近關

將適天台留別臨安李主簿 孟浩然

枳棘君尚栖匏瓜吾豈繫誰念離亭下

集作淡一作泊  
當夏飄

指炎裔江海非情遊田園失歸計空山既早發漁浦亦  
宵濟汎汎隨波瀾行行任艫柁故林日已遠羣木坐成  
翳羽人在丹丘吾亦從此逝

東京留別諸公

前人

吾道昧所適驅車還向東主人開舊館留客醉新豐樹

繞溫泉綠塵遮曉日紅拂衣從此去高步躡華嵩

留別王侍御

前人

寂寂竟何待朝朝空自歸欲尋芳草去惜與故人違當  
路誰相假知音世所稀祇應守索寞還掩故園扉

遊江西留別富陽裴劉二少府

前人

西上遊江西臨流恨解携千山疊成障萬水瀉為溪石  
淺流難泝藤長險易躋誰憐問津客歲晏此中迷

適越留別譙縣張主簿申屠少府

前人

朝乘汴河流夕次譙縣界幸因集作西風吹得與故人

會君學梅福隱予隨集作伯鸞邁別後能相思浮雲去

集作在 吳會

暮秋將歸秦留別湖南幕府親友

杜甫

水澗蒼梧晚集作野天高白帝秋途窮那免哭身老不禁

愁大府才能會諸公德業優北歸衝雨雪俱集作慙弊

貂裘

留別嚴賈二國老兩院遺補諸公

前人

田園須暫往戎馬惜離羣去遠留詩別愁多任酒醺一

秋常苦雨今日始無雲山路晴吹笛集作那堪處處聞

別董頰

前人

窮冬急風水逆浪開帆難士子甘旨闕不知道里寒有

求彼樂土南適小長安到我舟楫去覺君衣裳單素聞  
趙公節兼盡賓主歡已結門廬望無令霜雪殘老夫纜  
亦解晚粟朝未食飄蕩甲兵際幾時懷抱寬漢陽頗寧  
靜峴首試考槃當念著白帽米薇青雲端

夜別張五

李白

吾多張公子別酌酣高堂聽歌舞銀燭把酒輕羅裳橫  
笛弄秋水集作琵琶彈陌桑龍泉解錦帶為爾傾千觴

江夏別宋之悌

前人

楚水清若空遙將碧海通人分千里外興在一杯中  
谷鳥吟晴日江猿嘯晚風平生不下淚於此泣無窮

出金門後書懷留別翰林諸公

前人

好古笑流俗素聞賢達風方希佐明主長揖辭成功  
白日在青天回光照微躬恭承鳳凰詔欵起雲蘿中清切  
紫霄迴優游丹禁通君王賜顏色聲價凌烟虹乘輿擁  
翠蓋扈從京城東寶馬麗絕景錦衣入新豐倚巖望松

雪對酒鳴絲桐因學揚子雲獻賦甘泉宮天書美片善  
清芬播無窮歸來入咸陽談笑皆王公一朝去金馬飄  
落成飛蓬賓從日踈散玉樽尋已空才力猶可倚不慙  
世上雄閒作東武吟曲盡情未終書此謝知己滄浪

波  
尋釣翁

留別裴聰盧象

祖詠

朝來已握手宿別更傷心灞水行人渡商山驛路深故  
情君且足謫宦我難任直道皆如此誰能淚滿襟



歸汝墳山莊留別盧象

前人

淹留歲將晏，久廢南山期。  
舊業不見棄，還山從此辭。  
漚麻入南澗，刈楚向東菑。  
對酒雞黍熟，閉門風雪時。  
非君一延首，誰慰遙相思。

潭州留別

常建

賢達不相識，偶然交已深。  
宿帆謁郡佐，悵別依禪林。  
湘水流入海，楚雲千里心。  
望君杉松夜，山月清猿吟。

文苑英華卷二百八十六

欽定四庫全書

集部

文苑英華卷二百八十七至  
九十九

詳校官太僕寺少卿<sub>臣</sub>李廷欽

助教<sub>臣</sub>常循覆勘

總校官進士<sub>臣</sub>朱鈐

校對官中書<sub>臣</sub>秦泉

謄錄監生<sub>臣</sub>閔澧

欽定四庫全書

文苑英華卷三百八十七

宋 李昉等 編

留別二

崔國輔一首

王昌齡七首

高適二首

劉長卿十三首

李頎一首

包何一首

李嘉祐二首

錢起二首

郎士元三首

皇甫冉一首

顧況二首

耿湣三首

李端一首

盧綸三首

嚴維一首

戴叔倫七首

權德輿二首

朱放二首

劉復一首

陳存一首

鮑溶一首

清水西別李參

崔國輔

人錄尚書事家臨御路傍鑿池通渭水避暑借明光淑

媛妻封邑軒車子拜郎寵榮因掖裏勢極必相亡

留別武陵袁丞

王昌齡

皇恩暫遷謫待罪逢知己從此武陵谿

集作去孤舟二十

里桃花遺古岸金澗流春水誰識馬將軍忠貞抱生死

留別岑參兄弟

前人

江城建業樓山盡滄海頭副職守茲縣東南棹孤舟長  
安故人宅秣馬經前秋便以風雪暮還為縱飲留貂蟬  
七葉貴鴻鵠萬里遊何必念鐘鼎所在烹

一作肥牛為

君嘯一曲且莫彈瑩侯徒見枯者艷誰言直如鈞岑家  
雙瓊樹騰光難為儔誰言青門悲俯期吳山幽日西石  
門嶠月吐金陵洲追隨探一作採靈恠豈不驕王侯

東京府縣諸公與綦毋潛李頎相送至白馬寺

前人

勒集作鞍馬上東門徘徊入孤舟賢豪相追送即棹千里

流赤集作連岸落日在空波微烟收官集作宦薄亡機拈醉

來即淹留月明見古寺林外登高樓南風開長廊夏夜

如涼秋江月照吳縣西歸夢中遊

留別伊闕張少府郭大都尉 前人

僊客就一醉主人空金壘江湖青山底欲去仍徘徊郭  
侯未相識策馬伊川來把手相勸勉不應老塵埃孟陽  
蓬山舊仙館留清才日晚歡取別風長雲遂開幸隨板  
輿遠負譴何憂哉唯有忠信者音書報雲雷

岳陽別李十七越賓 前人

相逢楚水寒舟在洞庭驛具陳江波事不異淪棄跡杉

上秋雨聲悲切蕙葭夕彈琴收餘響來送千里客平明

孤帆心歲晚濟代策時在身未充瀟湘不盈盡疑湖小

洲渚聯澹淡烟景碧魚鱉自有性龜龍無能易譴黜同

所安風土任所適閉門觀元化攜手遺損益

山中別龐十

前人

幽娟松篠徑月出寒蟬鳴散髮卧其下誰知孤隱情吟

時白

集作碧

雲合酌罷

集作釣處

玄潭清瓊樹方杳靄鳳兮保

其貞



緱氏尉沈興宗置酒南溪留贈

前人

林色與溪古深篁引幽翠山樽在漁舟棹月清已醉始  
窮清源口壑絕人境異春泉滴空崖萌草坼陰地久之  
風榛疑寂遠聞樵聲至海鴈時獨飛永然滄洲意古時

青冥客滅跡淪一尉吾子躊躇心豈其紛埃事緱岑信  
所尅濟北余乃遂齊物可任今息肩理猶未卷舒形性  
表脫畧賢哲議仲月期角巾飯僧嵩陽寺

留別鄭三韋九兼洛下諸公 高適

憶昨相逢論久要，顧公哂我輕高調。羈旅須同白社遊，

詩書已得

詩選作  
比作

青雲料蹇步，蹉跎竟不成年過四十

尚躬耕長歌達士

集作  
者

杯中物大

詩選  
作冷

笑前人身後名

幸逢明盛多招隱，高山大澤徵求盡此時也

集作  
苟

得辭

漁樵青袍裹身荷，聖朝犁牛

詩選作  
牛犁

釣竿不復見縣人

邑吏來相邀，遠路鳴蟬秋興發。華堂美酒離憂銷，不知

何日更攜手，應念茲辰去去遙

詩選作去折腰  
集作尚折腰

平臺夜遇李景參有別

已見二卷  
十八卷

前人

赴新安別梁侍御

劉長卿

新安君莫問此路水雲深  
江海無行迹孤舟何處尋  
青山空向淚白日豈知心  
縱有餘生在終傷老疾侵

案覆後赴睦州贈苗侍御

前人

地遠心難達天高謗易成  
羊腸留覆轍虎口脫餘生  
直氏偷金枉于家決獄明  
一言知己重片義殺身輕  
日下

人誰憶天涯客獨行年光銷蹇步秋氣入衰情建德知  
何在長江問去程孤舟百口淚萬里一猿聲落日看鄉  
路空山向郡城豈令冤氣積千古在長平

赴宣州使院夜宴寂上人房留辭前蘇州韋使  
君  
前  
人

白雲乖始願滄海有微波戀舊常趨府臨危欲負戈春  
歸花殿暗寒傍竹房多可耐機心息其如羽檄何

湖南使還留辭辛大夫

前  
人

王師勞近甸兵食仰諸侯天子無南顧元勳在上游大  
才生間氣盛業拯橫流風景隨搖筆山川入運籌羽觴  
交饒席旒節對歸舟鷺識春深恨猿知日去愁別離花  
寂寂南北水悠悠唯有家將國終身共所憂

江州留別薛六柳八二員外 前人

江海逢君少東南別處長獨行風嫋嫋相去水茫茫白  
首辭同舍青山背故鄉離心與潮信每日到潯陽

曲阿對月別岑况徐說 前人

金陵已蕪沒函谷復烟塵猶見南朝月還隨上國人白  
雲心自遠滄海意相親何事須成別汀洲欲暮春

長沙桓王墓下別李紆張南史

前人

長沙千載後春草獨萋萋流水朝空

集作將

暮行人東復

西碑苔幾字滅山水萬株齊惟有年芳在

集作佇立傷今古

相

看惜解攜

此詩三百六卷重出今已削去

雨中過員稷巴陵山居贈別 前人

憐君洞庭上白髮向人垂積雨悲幽獨長江對別離牛  
羊歸故道猿鳥聚寒枝明發遙相望雲山不可知

別陳留諸公 前人

戀此東道主能令西上遲徘徊暮郊別惆悵秋風時上  
國邈千里夷門難再期行人望落日歸馬嘶空陂不愧  
寶刀贈唯懷瓊樹枝音塵儻未接夢寐徒相思

留別嚴士元 前人

見二百七十卷

赴南邑

集中

留題別褚七少府湖上亭

見三百十五卷

前人

潁川留別司倉李萬

前人

故人早負干將器誰言未展平生意想君疇昔高步時

豈

集作昔

料如今折腰事且知投刃皆若虛日揮案牘常

有餘槐暗公門趨小吏荷香陂水膾鱸魚客裏相逢款

話

一作語

深如何岐路刺沾襟白雲西上催歸念潁水東

流是別心落日征驂隨去塵含情揮手背城闐已恨良



時空此別不堪秋草傷集作更愁人

昔昔鹽

薛道衡

垂柳覆金堤  
薜蘿葉復一作正齊  
水溢芙蓉沼  
花飛桃李

蹊採桑秦氏女  
織錦竇家妻  
關山別宕子  
風月守空閨

恒歛千金笑  
長垂雙一作白玉啼  
盤龍隨鏡隱  
彩一作舞鳳

逐幃一作雲低飛一作鷲  
魂同夜一作野鵲倦  
寢憶晨雞暗  
牖

懸蛛網空梁  
落燕泥前年  
過代北今歲  
往遼西一去  
無

消息一作還意那能惜馬蹄

右此篇文苑英華題作劉長卿別宕子怨長卿集  
初無此篇而郭茂倩樂府及洪邁容齋續筆並以  
為薛道衡昔昔鹽按通鑑隋煬帝誅道衡曰更能  
作空梁落燕泥否英華殆因韋穀編唐才調集作  
劉長卿詩而誤也其間八字異同已注一作邁又  
云玄恠錄載蓬陰三娘工唱阿鵲鹽又有突厥鹽  
黃帝鹽白鴿鹽神雀鹽踈勒鹽滿座鹽歸國鹽唐  
詩媚賴吳娘唱是鹽更奏新聲刮骨鹽然則歌詩

謂之鹽者如行吟曲引之類今南嶽朝獻神樂曲  
有皇帝鹽而俗傳以為皇帝炎長沙志從而書之  
蓋不可考也然邁既謂才調集有趙嘏廣道衡燕  
泥一詩不應以趙為劉長卿云愚意此詩但當以  
綱目為證則其為薛道衡之作無疑矣

留別王盧二拾遺

李頎

此別不可道此心當報誰春風灞水上飲馬桃花時誤  
作好文士只今遊宦遲留書下期疑客我故有山期

婺州留別鄧使君

包何

西掖馳名久東陽出守時  
江山婺女分風月隱侯詩別  
恨雙溪急留歡五馬遲  
迴舟映沙嶼未遠剩相思

常州韋郎中汎舟見餞

李嘉祐

主人憑軾貴送客汎舟稀  
逼岸隨芳草回橈背落暉  
映花雙節駐臨水伯勞飛  
醉與羣公狎春塘露冕歸

留別毗陵諸公

前人

久作涪

一作  
峯

陽令丹墀忽再還  
淒涼辭國澤離亂到鄉

山北固潮聲滿南滁草色閒  
知心從此別相憶鬢毛斑  
晚歸藍田酬中書常舍人贈別

錢起

卑栖却得性每與白雲歸  
狗祿仍懷橘看山免采薇  
暮禽先去馬新月待開扉  
霄漢時回首知音青瑣闥

鑿駕避狄歲寄別韓雲卿  
前人

白髮壯心死愁看國步移  
關河慘無色親愛忽驚離  
影絕龍分劔聲哀鳥戀枝  
茫茫海雲外相憶不相知

留別鄭礪

郎士元

暮蟬不可聽，落葉豈堪聞。  
是日悲秋客，那能此路分。  
荒城背流水，遠鴈入寒雲。  
陶令東籬菊，餘花可贈君。

別房士清

前人

世路還相見，偏堪淚滿衣。  
那能郢門別，獨向鄴城歸。  
平楚看蓬轉，連山望鳥飛。  
蒼蒼歲陰暮，況復惜馳暉。

咸陽西樓別竇審

前人

西樓迥起寒原上，霽日遙分萬井間。  
小苑城隅連渭水

離宮曙色近京闌  
亭臯寂寞傷孤客  
雲雪蕭條滿衆山  
時命如今猶未偶  
辭君擬欲拂衣還

潤州南郭郡留別

皇甫冉

縈回楓葉岸留滯  
木蘭橈吳岫新  
經雨江天正落潮  
故人勞見愛行子  
自無聊君疑作  
問前程事孤雲入剡遙

贈別崔十三長官

顧况

真玉燒不熱寶劍  
拗不折欲別崔俠  
心崔俠心如鐵復  
知金剛鎖無有功  
不徹仍於直道中  
行事不詆訐崔俠

兩兄弟垂範繼芳烈相識三十年致書字不滅我來宣城郡飲水仰清潔藹藹北阜松峩峩南山雪顧生歸山去知作幾年別

別江南

前人

江城吹曉角愁殺遠行人漢將猶防虜吳官欲向秦布帆輕白浪錦帶入紅塵將底求名宦平生但任真

贈別安邑韓少府

耿 漳

子真能未往

集作自往

江海意何如門掩踈塵吏心閒說道



集作 閱道書故城集作 寒欲雪遠客暮無車杳杳思前路誰

堪千里餘

別解明府

前人

聞人州縣厭賤士友朋譏朔雪逢初下秦關獨暮霏集作

歸寒蕪上原淺殘燒過風微一路何相慰唯君能致歸

集作  
政稀

邠州留別

前人

終歲山川路生涯竟幾何艱難為客慣貧賤受恩多暮

角飄長韻寒流起細波懸愁茂陵宅春色又相過

歸山與酒徒別

李端

野客本無意此來非有求煩君徵藥送未遜

集作未免憶山

愁紅燭侵明月青娥促白頭童心久已盡豈為豔歌留

春日書情贈別司空曙

已見二百五十五卷

盧綸

落第後歸山下舊居留別劉起居昆季

前人

寂寞過朝昏，沉憂豈易論。  
有時空卜命，無事可酬恩。  
寄食依隣里，成家望子孫。  
風塵知世路，衰賤到君門。  
醉裏因多感，愁中欲強言。  
花林逢廢井，戰地識荒園。  
悵別臨清野，悲春上古原。  
烏歸山外樹，人過水邊村。  
潘岳方稱老，嵇康太厭喧。  
誰堪將落羽，回首仰飛翻。

將赴京留別令公

前人

沙鶴驚野雨初收

集作驚鳴  
野雨收

大河雲

集作風

物颯然秋力

微恩重諒難報，不是行人不解愁。

留別鄒紹劉長卿

嚴維

中年從一尉自歎此身非道在

集作薄

甘微祿時難恥息

機晨趨本郡府晝掩故山扉待得

集作見

干戈畢何妨更

採薇

留別道州李使君圻

戴叔倫

瀧路下丹徼郵童揮畫橈山回千騎隱雲

詩選作雪

斷兩鄉

遙漁滬擁寒溜畬田落遠燒維舟更相憶惆悵坐空

詩選

作通宵

將遊東都留別包諫議

前人

衰容慙墨綬素舸逐秋風雲雨恩難報江湖意已終縣  
當仙洞口路出故園東唯有新離恨長留夢寐中

灞岸別友

前人

車馬去遲遲離言未盡時看花一醉別會面幾年期樵  
路商山館漁洲楚帝祠南登回首處猶得望京師

江南別

一作汝南逢

董校書

已見二百十八卷

前人

臨川從事還別崔法曹

前人

謬官辭獲免濫獄會平反遠與故人別  
龍鍾望所言陰天寒不雨古木夜多猿  
老病北歸去餘年學灌園

海上別薛舟

前人

行旅悲搖落風波厭別離客程秋草遠  
心事故人知暮鳥翻江岸征徒起路岐  
自應無定所還似欲相隨

婺州路別錄事

前人

府中相見少江上獨行遙會日起離恨  
新年別舊寮春

雲猶伴雪寒渚未通潮回首羣山暝思君轉寂寥

酬別蔡十二見贈

權德輿

伊人茂天爵恬澹卧郊園傲世方隱几說經久顯門浩  
歌曳柴車詎羨丹轂尊巖霜被鶉衣不知狐白溫游心  
義文際愛我相討論黃河忽朝宗傳騎令載奔崢嶸歲  
陰晚愀愴離念繁別館絲桐清寒郊烟雨昏中飲見逸  
氣縱談窮化元佇看分車起聖代待乞言

餘干贈別張二十二侍御

前人

蕪城陌上春風別干越亭邊歲暮逢驅車又愴南北路  
返照寒江千萬峰

毗陵留別

朱放

別離非一處此處最傷情白髮將春草相隨日日生

別李季蘭

前人

古岸新花開一枝岸傍花下有分離莫將羅袖拂花落  
便是行人腸斷時

出三城留別幕中三判官

劉復



翔禽記高柯倦客念主人思義有所加四海同一身況

皆曠代姿翰音及良辰陳規佐武略高枕據要津嘗

疑作

常願投素誠今果得所申金壘列四座廣廈無災氛留

連徂暑中觀望歷數旬河山險以固士卒勇且仁飾裝  
告來歸相送越城闈愧無青玉案緘佩永不泯

楚州贈別周愿侍御

陳存

漂泊楚水來捨舟坐高館途窮在中路孤征幕前伴風  
雨一留宿關山去欲懶淮南木葉飛夜聞廣陵散

留別杜員外式方

鮑溶

東風吹旅懷鄉夢無夜無慙嘆

集作見

君子堂貧思上歸

途海岳汎念深涓塵復何須娑娑不材木屈曲無弦弧  
惻惻奉離樽承歡獨向隅時當鳳來日孰用雞鳴夫回  
首九仙門皇家在玉壺慙非海人別淚下不成珠

欽定四庫全書

文苑英華卷二百八十八

宋 李昉等 編

留別三

釋靈一三首

釋護國一首

釋法震一首

釋皎然一首

楊衡三首

歐陽詹二首

韓愈二首

孟郊四首

張籍四首

白居易三首

姚合一首

于武陵一首

盧肇一首

賈島六首

朱慶餘一首

釋無可一首

周賀二首

溫庭筠三首

許渾四首

項斯一首

顧非熊一首

馬戴八首

趙嘏五首

喻坦之一首

陳陶四首

鄭谷四首

杜荀鶴四首

張喬一首

張蠩二首

羅隱二首

留別忠州故人

釋靈一

一身無定處萬里獨銷魂  
芳草迷歸路春流滴淚痕  
幾時休旅食何夜宿江村  
欲識相思苦空山啼暮猿

贈別皇甫曾

前人

幽人從遠岳過客愛春山高  
駕能相送孤遊且未還  
紫苔封井石綠竹映柴關  
若到雲峯外齊心去住間

歸岑山留別

前人

禪客無心憶薜蘿  
自然行徑向山多  
知君欲問人間事  
始與浮雲共一過

別盛安

釋護國

情人取次幾淹留  
別後南州與北州  
月色為憐今夜客  
砧聲却似去年秋  
欲除豺虎論三畧  
莫對雲山詠四愁  
親故相逢且借問  
古來無種是王侯

別盧使君歸故柵村

釋法震

歸風白馬引嘶聲落日猶堪楚客情塞口竹緣空戍沒  
潮頭沙擁慢岡成松田且欲親耕種郡守何偏問姓名  
東道宿程投故柵依依漁父解相迎

別山

并序

釋皎然

時因主人寄風溪蘭若與道士石脇風相隣禪僧仙師  
時得道會至秋中值外緣有請別山懷舊遂有是詩

山翁亦好禪借我風溪樹採藥多秋蓬汲泉有春渡幽  
僧時相遇仙子或與晤自許戰勝心彌高獨遊步如何

區中事奪我林棲趣辭山下復上戀石行仍顧宿昔情  
或乖庶幾跡無誤松聲莫相誚此心冥去住

桂州與陳羽念別

楊衡

慘戚損志抱因君時解顏重歎今夕念復在幾夕間碧  
桂水連海蒼梧雲滿山茫茫從此去何路入秦關

夷陵郡內叙別

前人

禮娶嗣明德同牢夙所欽況蒙生死契豈顧蓬蒿心鴈  
幣任野薄恩愛緣義深同聲若鼓瑟合韻似鳴琴將迓



空未立就贅意難任皎月託言誓滄波信浮沈荆臺理  
晨轍巫渚疑宵襟憫憫百慮起回回萬恨深候更促徒  
侶先曉徹夜禽燈彩凝寒風蟬思噪密林留念同心帶  
贈遠芙蓉簪撫懷極投漆感物重黃金分鸞豈遐阻別  
劍念相尋儻甘蓬戶賤願俟故山岑

將之荊州南與張伯岡馬總鍾陵夜別 前人

荆臺別路長密緒分離狀莫訴杯來促更籌屢已唱燭  
花侵霧暗瑟調含風亮詎念曉帆開默睇參差浪

蜀中將歸留辭韓相公

歐陽詹

寧體則雲構方前恒玉食貧居豈及此要自懷歸憶在  
夢關山遠如流歲華逼明晨首鄉路迢遞孤飛翼

江夏留別華二

集作別辛三十時自襄陽同舟而下予歸關從此赴舉

前人

彌棹已傷別不堪離緒催十年一心人千里同舟來鄉路我

集作予

尚遙容遊

集作程

君未回將何慰兩端未免

集作互勉

臨歧杯

醉中留別襄州李相公

韓愈

濁水汙泥清路塵，還曾同制掌絲綸。  
眼穿長訝雙魚斷，耳熱何辭數爵頻。  
銀燭未銷窓送曙，金釵半醉一作墜座添春。  
知公不久歸釣軸，應許閒官寄病身。

此詩二百五十七卷重出，今已削去。注異同為一作。

韶州留別張使君

前人

來往再逢梅柳新，別離一醉綺羅春。  
久欽江總文才妙，自嘆虞翻骨相屯。  
鳴笛急吹催落日，清歌緩送感行人。  
已知奏課當徵拜，那復淹留詠白蘋。

汴州留別韓愈

孟郊

不飲濁水瀾空滯此汴河坐見繞岸水盡為還海波四  
時不在家敝服斷線多遠客獨顛顛春英各婆娑荒陂  
集作饒曲流野桑無直柯但為君子心歎息將匪他  
汴水

下第東歸留別長安知己

前人

共照日月影獨為愁思人豈知鷓鴣鳴瑤草不得春一  
片兩片雲千里萬里身雲歸嵩之陽身寄江之濱棄置  
復何道楚情吟白蘋

長安留別李觀韓愈因獻張徐州 前人

富別愁在顏貧別病銷骨懶磨舊銅鏡畏見新白髮古

樹春無花子規啼有血離絃不堪聽一聽三四裂

集作四

絕

世途非一險俗慮有

文粹作各

千結有客步大方驅車獨

迷轍故人韓與李逸翰雙皎潔哀我摧折歸贈詞縱橫

設徐方國東樞元戎天下傑禰生投刺遊王粲吟詩謁

高情無遺照朗抱開曉月有土不埋冤有讐皆為雪願

為直草木永向君地列願為古琴瑟永向君聽發欲識

大夫心曾將寶

集作孤劍說

怨別

前人

一別一回老志士髮白早在富易為容居貧難自好沈

憂損性靈服藥亦枯槁秋風客集作遊子衣落日行遠道

問君去何之賤身寧集作難自保

襄州集作國別友

張籍

晚

集作曉

色荒城下相看秋草時獨遊無定計不欲道歸

來

集作來

期別處去家遠愁來集作中

驅馬遲歸人渡烟水葉

落集作野棠枝

春日留別

前人

遊人欲別離，醉復看花枝。  
看却春又晚，莫輕年少時。  
臨行記分處，回首是相思。  
各向天涯去，重來未有一作期。

留別江陵王少府

前人

迢迢山上路，病客獨行遲。  
況此分襟日，一作手處當君失意

時寒林露遠，驛晚燒過荒陂。  
別後空回首，相逢未有期。

蘇州江岸留別樂天

前人

銀泥裙映錦障泥畫舸停橈馬簇蹄清管曲終鸚鵡語  
紅旂影動驪驢嘶漸消酒色朱顏淺欲語離情翠黛低  
莫忘使君吟詠處汝墳湖北武丘西

郢州別王七使君

白居易

昔日詩狂客今為酒病夫強吟翻悵望縱醉不歡娛鬢  
髮三分白交親一半無郢城君莫歌猶較近京都

別韋蘄

前人

百年愁裏過萬感醉中來惆悵城西別愁眉兩不開



留別微之

前人

干時久與本心違悟道深知前事非猶厭勞形辭郡印  
那能越伴著朝衣五千言裏教知足三百篇中勸式微  
少室雲邊伊水畔比君較老合先歸

別友人

姚合

病僮將瘦馬難算往來程野寺僧相送河橋酒滯行足  
愁無道性久客會人情何計羈集作窮貧盡同居不出城

夜與故人別

于武陵

白日去難駐故人非舊容今宵一別後何處更相逢過

楚水千里到秦山萬

集作幾

重話

一作語

來天未

一作又

曉月

落滿城鐘

別宜春赴舉

盧肇

秋天草木正蕭疎西望秦關別舊居筵上芳罇今日酒

篋中黃卷古人書辭鄉且伴

集作離山且作

銜蘆鴈入海終為

戴角魚長短九霄飛直上不教毛羽落空虛

留別徐明府

賈島

抱琴非本意生事偶相縈口尚袁安節身無子賤名地  
寒春雪盛山淺夕風輕百戰餘荒野千夫漸耦耕一杯  
宜獨夜孤客戀交情明日疲驂去蕭條過古城

二月晦留別鄆中友人

前人

匹馬柳花裏別君當酒酣春風漸向北雪鴈不飛南明  
曉日初一今年月已三鞭羸去暮色遠岳起烟嵐

却赴南巴留別蘇臺知己

前人

人集作過梅嶺上歲歲北風寒集作落日孤舟去青山  
又集作枝寒

萬里看猿聲湘水靜草色洞庭寬已料生涯事只

集作唯

應持

集作把

釣竿

劉長卿曾貶南巴尉此詩已載本集今英華誤作

賈島詩

下第別人

前人

下第鬢毛蒼徘徊戀帝鄉鶯聲寒食後人醉曲江傍淚  
落故山遠病來春草長知音豈易別孤棹復三湘

留別光州王使君

前人

杜陵千里外期在末秋歸既見林花落須防木葉飛楚  
從何地盡淮隔數峯微回首餘霞失斜陽照客衣

欲遊嵩岳留別李少尹

前人

孤策遲回洛水湄孤禽嘹唳

集作唳

幸人知嵩岳望中常

待我河梁欲上未題詩新秋愛月愁多雨古觀尋

集作逢

仙看盡棋微眇此來將敢問鳳凰何日定歸期

將之京別李侍御

朱慶餘

心疑作此

地偶相見語多為別難詩成公府晚路入翠微

寒逢石自應坐有花誰共看唯當隨去鴈雪盡到長安

金州別姚合

釋無可

日日西臺上春流到夏殘言之離別易勉以道途難山

出一千里溪

江一作

行三百灘松間樓裏月秋入五陵看

辭杭州姚郎中

周賀

波濤千里隔抱疾亦難

相集作

尋會宿逢高士燒山值積

霖藂桑山店迥孤火海雲

集作船

深尚有重來約知無省

閣心

京口別崔固

前人

積雨晴時近西風葉滿泉相逢嵩岳客共聽楚城蟬宿  
館橫秋鳥歸帆漲遠田別君還寂寞不似剡中年

江上別友人

溫庭筠

秋色滿葭葦離人西復東幾年方暫見一笑又難同地  
勢蕭陵歇江聲禹廟空如何暮灘上千里逐離鴻

與友人別

前人

半醉別都門含悽上古原晚風楊葉社寒食杏花村薄

暮牽離緒傷春憶晤言年芳本無限何況有蘭蓀

曉別

前人

翠羽花冠碧樹雞未明先上短墻啼窻前謝女青蛾歛  
門外蕭郎白馬嘶殘曙微星當戶沒澹烟斜月照樓低  
上陽宮裏鐘聲動不語垂鞭過柳堤

留別韋處士

見二百三十一卷

許渾

下第別友人楊至之

前人

花落水潺潺十年離故舊集作舊山夜愁添白髮春淚感朱



顏孤劔北遊塞遠書東出關逢君話心曲一醉灞陵間

留別裴

集作劉

秀才

前人

三獻無功玉有瑕更携書劔客天涯孤帆夜別瀟湘雨  
廣陌春期鄴杜花燈照水螢千點滅棹驚灘鴈一行斜  
關河迢遞秋風急望見鄉山不到家

瓜洲留別李翹

前人

泣玉三年一見君白衣顏頰更離羣柳

集作楊

堤惜別春

潮落花榭留歡夜漏分孤館宿時風帶雨遠帆歸處水

連雲悲歌曲盡休重奏心遠關河不忍聞

省中留別

項斯

省中重拜別兼領寄人書已念此程

詩選作行

遠不憂相問

踈禁

詩選作子

城西並宅御水北同渠要取春前到乘閒候

起居

舒州酬別上卿

顧非熊

故交他郡見下馬失愁容執手向殘日分襟在晚鐘鄉  
心隨皖水客路過廬峰衆惜君材器何為滯所從

下第別令狐員外

馬戴

論文期雨夜飲酒及荒晨坐歎百花發  
潛驚霜鬢新  
舊交多得路別業遠仍貧便欲辭  
知己歸耕海上春

將別寄友人

前人

帝鄉歸未得辛苦事羈遊別館一罇酒  
客程千里秋霜  
風紅葉寺夜雨白蘋洲長恐此時淚  
不禁和恨流

留別定襄郡盧軍事

前人

行行與君別路在鴈門西秋色見  
邊草軍聲戍鼓聲銜

杯看寶劍躍馬上荒堤歸去咸陽里平生心不迷

江行留別

見二百九十四卷

攄情留別并州從事

前人

淺學常自鄙謬承賢達知才希漢主召玉任楚人疑年  
長慙漂泊思深惜別離秋光獨鳥逝暝色一蟬悲鶴髮  
生何速龍門上苦遲彫蟲羞朗鑒干祿貴明時故國誠  
難返青雲致未期空將感激淚一自灑臨歧

下第別友人

前人

金門君待問石室我思歸  
聖主尊黃屋何人薦白衣  
年來御溝柳贈別雨霏霏

下第別部扶

前人

窮途別故人京洛泣風塵  
在世即應老他鄉又欲春  
平生空志學晚歲拙謀身  
靜話歸林計唯將滄海親

酬田卿送西遊

前人

華堂開翠簾惜別玉壺深  
客去當煩暑蟬鳴復此心  
廢城喬木在古道濁河侵  
莫慮西遊遠西關絕隴陰

旅館聞鴈別友人

趙嘏

路遠秋塘首獨搔，背羣燕鴈正呼號。  
故關何處重相失，碧落有雲終自高。  
旅宿去緘他日恨，單飛誰見集作此誰訝

生勞行衣濕盡千山雪，腸斷金籠好羽毛。

別麻氏

前人

曉哭呱呱集作嗚嗚動四鄰，於君我作負心人。  
出門便涉東

西路

集作便作東西水

回首初驚枕席塵，滿眼淚珠和語咽。  
舊

窻風月更誰親，分離集作傷離況值花時節。  
從此東風不似

春

代人贈別

前人

月自斜窓夢自驚  
衷腸中有萬愁生  
清猿處處三聲盡  
碧落悠悠一水橫  
平子定情詞麗絕  
詩人匪石誓分明  
會須携手乘鸞去  
簫史樓臺在玉京

留別

前人

水邊秋草暮萋萋  
欲駐殘陽去馬蹄  
曾是管絃同醉伴  
一聲歌斷各東西

寒食新豐別友人

前人

一百五日家未歸  
新豐鷄犬獨依依  
滿樓春色傍人醉  
半夜雨聲前計非  
繚繞溝塍含綠晚  
荒涼樹石向川微  
東風吹淚對花落  
憔悴故交相見稀

留別友人書齋

喻坦之

相見不相睽  
一留日已西  
軒涼庭木大  
巷僻鳥巢低  
背俗修琴譜  
思家話藥畦  
卜隣期太華  
同上上方梯

湓城贈別

陳陶



楚岸青楓樹長隨送遠心  
九江春水濶三峽暮雲深  
氣調桓伊笛才華蔡琰琴  
迢迢嫁湘漢誰不重黃金

將歸鍾陵留贈南海李尚書 前人

楚國有田舍炎州長夢歸  
懷恩似秋燕屢遶玉堂飛  
越酒豈不甘海魚寧無肥  
山裘醉歌舞事與初心違  
曠曠文昌公英靈世間稀  
長江浩無際龍蜃皆歸依  
賤子感一言草茅發光輝  
從來鷄鳧質得假鳳凰威  
常欲討玄珠青雲報魏魏  
龍門竟多故雙淚別旂旂

贈別

前人

海國一尺綺水壺萬縷絲以君西攀桂贈此金蓮枝高  
鳥思茂林窮魚樂洿池平生握中寶無使歲寒移

贈別離

前人

碧玉飛天星墜地玉劍分風交合水楊柳聽歌莫向隅  
鷄鳴一石留髣醉一作啼蹄輪送客溝水東月娥揮手嶠

巖峯巒天列嶂儼相待風官掃道迎遊龍天姥剪霞鋪  
曉空滢滢大帝開明宮文鯨掉尾四海通分明瀑布收

靈桐山妖水魅騎旋風  
厭夢齧魂黃瘴中  
借君朗鑒入崧峒  
靈光草照閒花紅

別同志

鄭谷

所立共寒苦平生同與遊  
相看臨遠水獨自上孤舟  
天澹滄浪晚風悲  
蘭杜秋前程吟此景為子上高樓

贈別

前人

南遊曾共遊相別倍相留  
行色回燈曉離聲滿笛秋  
穩眠彭蠡浪好醉岳陽樓  
明日逢佳景為君成白頭

別修覺寺無本上人

前人

松上江雲石上苔  
自嫌歸去夕陽催  
山門握手無他語  
祇約今冬看雪來

宗人作尉唐昌官署幽勝而又博學精富得以  
言談將欲他之留書屋壁 前人

公堂瀟洒有林泉  
祇隔苔墻是渚田  
宗黨相親離亂世  
春秋閒論戰爭年  
遠江鷺鷥來池口  
絕頂歸雲過竹邊  
風雨夜長同一宿  
舊游多共憶樊川

雪中別詩友

杜荀鶴

酒寒無小戶請滿酌行杯若待雪銷去自然春到來出  
城人跡少向暮烏聲哀未遇應關命侯門處處開

別從叔

前人

立馬不忍上醉醒天氣寒都緣在門久集作易直自集作似

別家難世路既如此客心須自寬歸期亦羈束集作江村亦饑

歎爭及問集作階長安

辭座主侍郎

前人

一飯尚懷感況攀高桂枝此恩無處報故國遠歸時只  
恐兵戈隔再趨門館遲茅堂拜親後特地淚雙垂

辭鄭員外入關赴舉

前人

男兒三十尚蹉跎未叙青雲一桂科在客易為銷歲月  
到家難住似經過帆飛楚國風濤濶馬度藍關雨雪多  
長把行藏信天道不知天道意如何

江南別友人

張喬

勞生故白頭頭白未應休闕下難孤立天涯尚旅遊聽

猿吟鳥寺待月上江樓醉別醒惆悵雲帆滿亂流

邊遊別友人

張 蠟

欲別不止淚當杯難強歌家貧隨日長身病涉寒多雨  
雪迷燕路田園隔楚波良時未自致歸去欲如何

將之京師留別親友

前 人

達命何勞問西遊且自期至公如有日知我豈無時野  
迥蟬相答堤長柳對垂酣歌一舉袂明發不堪思

商於驛與于韞玉話別

羅 隱

多病仍踈拙唯君與我同帝鄉年共老江徼業俱空燕  
冷辭華屋一作室蛩涼恨曉叢白雲高幾許全屬採芝翁

羅隱集中別有一篇其題目同而詩異今並載于  
此南朝徐庾流洛下憶同遊酒採閒坊菊山登遠  
寺樓相思勞寄夢偶別已經秋還被青青桂催君  
不自由

奉使宛陵別二三從事

前人

梁王雪裏有深知偶別家鄉隔路岐官品共傳勝曩日



酒杯爭肯認當時豫章地暖矜千尺越嶠天寒愧一枝  
還有釣魚蓑笠在不堪風雨失歸期

文苑英華卷二百八十八

欽定四庫全書

文苑英華卷二百八十九

宋 李昉等 編

行邁一

梁元帝三首

江洪一首

吳均二首

劉孝儀一首

劉孝威一首

王僧孺一首

朱超一首

陰鏗三首

庾信一首

顏之推一首

王褒一首

江總一首

孔德紹一首

孫萬壽四首

陳子良二首

李百藥一首

王勃七首

楊炯二首

盧照隣四首

駱賓王十二首

席豫二首

陳子昂二首

沈佺期七首

早發龍巢

梁元帝

征人喜放溜曉發晨陽隈初言前浦合定覺近洲開不  
疑行舫動唯看遠樹來還瞻起漲岸稍隱陽雲臺

自江州還入石頭

前人

鼓泄浮大川遙睇雒城觀雒城何鬱鬱杳與雲霄半前

望青

一作蒼

龍門斜瞻白鶴館槐垂御溝道柳綴金堤岸

迅鳥

一作馬

晨風趨輕輿流水散高唱

一作歌

梁塵下湘瑟

翔禽亂

一作絃瑟  
荆琴亂

我思江海遊曾與朝市玩忽寄靈臺

宿空軫及關嘆仲子入南楚伯鸞出東漢何能栖樹枝

取斃王孫彈

一作皆藝文類聚

赴荊州泊三江口

前人

涉江望行旅金鉦間綵旂水際含天色虹光入浪浮柳  
條恒拂岸花氣盡薰舟叢林多故社單戍有危樓疊鼓  
隨朱鷺長簫應紫駟蓮舟夾羽旆畫舸覆緹油榜歌殊  
未息於此泛安流

江行

江洪

日沒風光靜遠山清

類聚作深

無雲潮落晚洲出浪罷沙成

文挾琴上高岸望月彈明君去家未千里斷絕怨離羣

江上酬鮑畿

吳均

振棹出江湄依依望九嶷欲謁蒼梧帝過問沅湘姬折  
荷縫作蓋落羽紡成絲吾行別有意不為君道之

初至壽春作

前人

桓譚不賣

集作買

交馮子任紆直浮溺逐波影飄揚恣風

力北州少知舊南陽寡相識中駕每傾輪當騫復

集作輒

摧翼望美無津梁私自憐何極

帆度吉陽洲

劉孝儀

揚帆乘浪華摻鼓要

類聚作  
噪鼓揚

風力近樹儵而遐遙山俄

已逼欲比驚龍掣將頓陽烏翼客行悲道遠唯須前路

極

同前

劉孝威

江風臨曉急鉦鼓候晨催幸息榜人唱聊望高帆開  
聯村倏忽盡循汀俄頃回疑是傍洲退似覺前山來  
將與圖南競誰云勞泝洄



至牛渚憶魏少英

王僧孺

楓林暖似畫沙岸淨

一作靜

如掃空籠望懸石回斜見飛

鳥

一作危島

綠草間遊蜂青葭集輕鵝

布老切鵝性不止樹

徘徊洞初

月浸淫漬

一作漬

春潦非願歲物革

一作華

徒用風光好

一作皆藝文類聚

夜泊巴陵

朱超

月夜三江靜雲霧四邊收淤泥不通挽寒浦劣容舟迴

類聚作回風折長草輕冰斷細流古村空列樹荒戍久無樓

和傅郎歲暮還湘州

陰鏗

蒼茫歲欲晚愁

一作辛

苦客方行大江靜猶浪扁舟獨且

征棠枯絳葉落

一作盡

蘆凍白花輕戍人寒不望沙禽迥

一作迴

未驚湘波若空

一作各深

淺輕棹

一作空

念歸情

一作皆藝文類聚

晚泊五洲

前人

客行逢日暮結纜晚洲中戍樓因岷險村路入江窮水  
隨雲度黑山帶日歸紅遙憐一柱觀欲輕千里風

渡青草湖

已見一百六十三卷

同州還

庾信

赤岸遶新村  
青城臨綺門  
范睢新入相  
穰侯始出蕃  
上林催獵響  
河橋爭渡喧  
竄雉飛橫澗  
藏狐入斷原  
將軍高宴晚  
來過青竹園

從周入齊夜渡砥柱

顏之推

俠客重艱辛  
夜出小平津  
馬色迷關吏  
鷄鳴起戍人  
露鮮華劔彩  
月照寶刀新  
問我將何去  
北海就孫賓

渡北河

已見一百六十三卷

王褒

并州羊腸坂

江總

三春別帝鄉五月度羊腸  
本畏車輪折翻嗟馬骨傷  
驚風起朔鴈落照盡胡桑  
關山定何許徒御慘悲涼

夜宿荒村

孔德紹

綿綿夕漏深客恨轉傷心  
撫弦無人聽對酒時獨斟  
故鄉萬里絕窮愁百慮侵  
秋草思邊馬遶枝驚夜禽  
風度谷餘響月斜山半陰  
勞歌欲叙意終是白頭吟

行經舊國

孫萬壽

蕭條金闕遠，悵望羈心愁。  
舊邸成三徑，故國餘一丘。  
庭引田家客，池泛野人舟。  
日斜山氣冷，風近樹聲秋。  
弱年陪宴喜，方茲更獻酬。  
修竹慙詞賦，叢桂且淹留。  
自忝無員職，空貽不調羞。  
武騎非吾好，還思江漢遊。

早發揚州還望鄉邑

前人

鄉關不再見，悵望窮此晨。  
山煙蔽鍾阜，水霧隱江津。  
洲渚歛寒色，杜若變芳春。  
無復歸飛羽，空悲沙塞塵。

東都在路率爾成詠

前人

學宦兩無成歸心自不平故鄉尚千里秋山猿夜鳴人  
愁慘雲色客意慣風聲羈恨雖多緒俱是一傷情

和張丞奉詔於江都望京口 前人

回首觀濤處極望滄海湄流波去無限喬木不勝悲蓬  
萊雖已變池塘尚所思歸飛路窮此悵望情難持吾生  
乃世季疇日佐藩維尚想西園夕猶懷北固時城邑纔  
辨處風烟忽何之跂予未能已顧嘆空遲遲

入蜀秋夜宿江渚

陳子良

我行逢日暮，彌棹獨維舟。  
水霧一邊起，風林兩岸秋。  
山陰黑斷磧，月影素寒流。  
故鄉萬里外，何以慰羈愁。

於塞北春日思歸

前人

我家吳會青山遠，他鄉關塞白雲深。  
為許羈愁長下淚，那堪春色更傷心。  
驚鳥屢飛恒失侶，落花一去不歸林。  
如何此日嗟遲暮，悲來還作白頭吟。

晚渡江津

李百藥

寂寂江山晚蒼蒼原野暮秋氣懷易悲長波淼難泝索  
索風葉下離離早鴻度丘壑列夕陰葭蕩凝寒露日落  
亭臯遠獨此懷歸慕

散關晨度

王勃

關山凌旦開石路無塵埃白馬高談去青牛真氣來重  
門臨巨壑連棟接崇隈即今揚策度非是棄繻回

易陽早發

前人

飭裝侵曉月奔策候殘星危閣尋丹嶂回梁屬翠屏雲



間迷樹影霧裏失峯形復此涼颺集作商颺至空山飛夜螢

焦岸早行和陸四

前人

侵星違旅館承月戒征儔  
嶂迷晴色虛巖辨岸流猿  
吟山漏曉螢散野風秋  
故人渺何際鄉關雲霧浮

麻平晚行

前人

百年懷土望千里倦遊情  
高低尋戍道遠近聽猿聲  
泉磴葉纒分色山花不辨名  
羈心何處盡風急暮猿清

深渡

夜宿主人  
依山帶江

津塗臨巨壑村宇架危岑堰絕灘聲隱峯交樹影深江  
童暮理檝山女夜調砧此時故鄉遠寧知遊子心

長柳

前人

晨征犯烟磴夕息在雲間晚風清近壑新月照澄灣郊  
童樵唱返津叟釣歌還客行無舊識集作與昭賴此釋愁顏

泥溪

前人

彌棹凌奔壑低鞭躡峻岐江濤出岸險峯磴入雲危溜  
急船文亂巖斜騎影移水烟籠翠渚山照落丹崖風生

蘋浦葉露泣

集作泣

竹潭枝泛水雖云美勞歌誰復知

早行

楊炯

敞朗東方徹闌干北斗斜地氣俄成霧天雲漸作霞  
河流繞辨馬巖路不容車阡陌經三歲閭閻對五家  
露文沾細草風影轉高花日月從來惜關山猶自賒

途中

前人

悠悠辭鼎邑去去指金墉途路盈千里山川亘百重  
風行常有隊雲出本多峰鬱鬱園中柳亭亭山上松  
客心

殊未樂鄉淚獨無從

早度分水嶺

盧照隣

千

集作丁

年遊蜀道萬里

集作班鬢

向長安徒費周王粟空彈

漢吏冠馬蹄穿欲盡貂裘敝轉寒層冰橫

集作端

九折積

石凌七盤重溪既下漱峻峯亦上干隴頭聞戍鼓嶺集作

雲外咽飛湍瑟瑟松風急蒼蒼山月團傳語後來者斯

路誠獨難

入秦州界

前人

隴坂長無極，蒼山望不窮。  
石徑縈疑斷，回流映似空。  
花開綠野霧，鶯轉紫巖風。  
春芳勿遽盡，留賞故人同。

至陳倉曉晴望京邑

前人

拂曙驅飛傳，初晴帶曉涼。  
霧斂長安樹，雲歸仙帝鄉。  
澗流漂素沫，巖景瀉朱光。  
今朝好風色，延瞰極天莊。

晚渡浮沱敬贈魏大

前人

津谷朝行遠，冰川夕望曛。  
霞明深淺浪，風捲去來雲。  
澄波泛月影，激浪聚沙文。  
誰忍仙舟上，攜手獨思君。

春日離長安客中言懷

駱賓王

年華開早律，霽色蕩芳晨。  
城郭千門曉，山河四望春。  
御溝通太液，戚里對平津。  
寶瑟調中婦，金壘引上賓。  
劇談推曼倩，驚坐揖陳遵。  
意氣一言合，風期萬里親。  
自惟安直道，守拙忘因人。  
談器先蟠木，榮異後薪畝。  
歎悲路鬼顯，頽切波神玄。  
草終疲漢烏，裘幾滯秦生。  
涯無歲月岐，路有風塵還。  
嗟太行道處處，白頭新

曉度天山有懷京邑

前人

忽上天山望依然想物華雲疑天苑葉雪似御溝花行  
嘆征蓬遠坐憐衣帶賒交河浮絕塞弱水沒流沙旅思  
徒漂梗歸期未及瓜寧知心斷絕夜夜泣鳴笳

晚泊河曲

前人

三秋倦行役千里泛歸潮通波竹箭水輕舸木蘭橈金  
堤連遠岸貝闕影浮橋水淨千年近星飛五老遙疊花  
開宿浪浮葉下涼颺浦荷踈晚的津篠漬寒條恓惶勞  
梗泛悽斷倦蓬飄仙槎不可託河上獨長謠

晚渡黃河

前人

千里尋歸路一葦亂平源  
通波連馬頰迸水急龍門照  
日榮光淨驚風瑞浪翻  
棹唱依聞集作斷樵歌  
臨風集作入

聽喧岸回秋霞落潭深夕霧繁  
誰堪逝川上日暮不歸魂

晚泊江鎮

前人

四運移陰律三翼泛陽侯  
荷香銷晚夏菊氣入新秋  
夜烏喧粉堞宿鴈下蘆洲  
海霧籠遙徼江楓遶戍樓  
轉蓬



驚別渚徙橘愴離憂  
魂飛灞陵岸淚盡洞庭流  
振影希鴻陸逃名謝蟻丘  
還嗟帝鄉遠空望白雲浮

早發諸暨

前人

征夫懷遠路夙駕上危巒  
薄烟橫絕壑

集作  
獻

輕凍澁回

湍野霧連空暗山風入曙寒  
帝城臨灞涘禹穴枕江干  
橘性行應化蓬心去不安  
獨掩窮途泣長歌行路難

至分水戍

前人

行役總離憂復此愴分流  
濺石回湍咽繁叢曲澗幽  
陰

崖常結晦宿莽競含秋況乃霜晨早寒風入戍樓

夕次

集作晚泊

蒲類津

前人

二庭歸望斷萬里客心愁山路猶南屬河源自北流晚  
風連朔氣新月照邊秋竈火通軍壁烽烟上戍樓龍庭  
但苦戰燕頷會封侯莫作蘭山下空令漢國羞

早發淮口回望盱眙

前人

養蒙分四瀆習坎奠三荆徙帝留餘地封王表舊城岸  
昏涵蜃氣潮滿應鷄聲洲迥連沙淨川虛積溜明一朝

從捧檄千里倦懸旌背流桐栢遠逗浦木蘭輕小山迷  
隱路大塊切勞生唯有貞心在獨映寒潭清

渡瓜步江

前人

捧檄辭幽逕鳴櫓下遺洲

集作鳴根  
下貴州

驚濤疑躍馬積氣

似連牛月迥寒

集作  
黃

沙靜風急夜江秋不學浮雲影他

鄉客

集作  
空

滯留

途中有懷

前人

眷然懷楚奏悵矣背秦關涸鱗驚照轍墜羽怯虛彎素

服三川化烏裘十上還莫言無皓齒時俗薄朱顏

望鄉夕泛

前人

歸懷剝

集作到

不安促榜把風瀾落宿舍樓近浮月帶風

寒喜逐行前至憂從望裏寬今夜南枝鵲應無遶樹難

江行紀事二首

席豫

飄飄任舟楫回合傍江津後浦情猶在前山賞更新樹  
深烟漠漠灘淺石磷磷川路難行遠淹留惜此辰

二

江帆春風勢山樓曙月輝  
猿攀紫巖飲鳥拂清潭飛  
古樹崩沙岸新苔覆石磯  
津途賞無限征客暫忘歸

西還至散關答喬補闕

知之

陳子昂

歲稊蒼梧鳳嘹唳白露蟬羽翰  
本非匹結交何獨全昔君事胡馬  
余得奉戎旃攜手向沙塞關河緬幽燕  
芳歲幾陽止白日屢徂遷功業雲臺薄  
平生玉佩捐歎此南歸日猶聞北戍邊  
代水不可涉巴江亦潺湲攬衣度函谷  
銜涕望秦川蜀門自茲始雲山方浩然

宿空舫峽青樹村浦

前人

的的明月水啾啾寒夜猿客愁

集作思

浩方亂洲浦寂無

喧憶作千金子寧知九逝魂虛聞事朱闕結綬驚華軒

委別高堂亭

集作愛

窺覩明主恩今成轉蓬去嘆息復何

言

度安海入龍編

沈佺期

我來交趾郡南與貫胸連四氣分寒少三光置日偏尉

佗曾馭國翁仲久遊泉邑屋遺甿在魚鹽舊產全

集作傳

越人遙捧翟漢將下看鳶北斗崇山掛南風漲海牽別  
離頻破月容鬢驟催年昆弟推由命妻孥割付緣夢來  
魂尚擾愁委疾集作病空纏虛道崩城淚明心不應天

十四時嘗從巫峽過他日偶然有思

前人

小度巫山峽荆南春欲分使君灘上草神女館集作廟前  
雲樹悉江中見猿多天外聞別來如夢裏一想一氛氲

夜宿七盤嶺

前人

獨遊千里外高卧七盤西山月臨窓近天河入戶低芳

春平仲綵

集作  
綠

清夜子規啼浮客空留聽褒城聞曙鷄

初達驩州

前人

自昔聞銅柱行來尚一年不知林邑地猶隔道明天雨  
露何時及京華若箇邊思君無限慮堪作日南泉

自樂昌流至

集作自昌樂  
郡泝流至

白石嶺下行入郴州

前人

茲山界夷夏天險

集作  
際

橫寥廓太史漏登探文命限開



鑿北流自南瀉羣峯回衆壑馳波如電騰激石似雷落

崖留盤古樹澗蓄神農藥乳竇何淋漓苔

集作苔

蘚更綵

錯娟娟潭裏虹渺渺灘邊鶴歲杪應流火天高雲物

集作物

初薄金風吹綠梢玉露洗紅葦泝舟始與解登踐桂陽

郭匍匐緣修坂穹窿曳長絳

集作絳

礙林徒

集作阻

往來遇

堰每前却救艱不遑食飯畢昏無託

集作救艱不遑飯畢昏無暇泊

濯

谿寧足懼磴道誰云惡我行湍險多

集作山水間

山水

集作湍險

皆不若安能獨見聞書此貽京洛

從崇山向越常并序

前人

按九真圖崇山至越常四十里杉谷起古崇山竹谿從道明國來於崇山北二十五里合水歆缺藤竹明昧有三十峯夾水直上千餘仞諸仙窟宅在焉

朝發崇山下暮坐越常陰西從杉谷度北上竹溪深竹溪道明水杉谷古崇岑差池疑集作將不合繚繞復相尋

桂葉藏金嶼藤花閉石林天窓虛的的雲竇下沉沉造化功偏厚真仙迹每集作累臨豈徒探怪異聊欲緩歸心

遙同杜員外審言過嶺

前人

天長地濶嶺頭分去國離家見白雲  
洛浦肝腸無用說

崇山瘴癘不堪聞南浮漲海鷺

集作人

何處北望衡陽鴈

樂羣兩地春

集作風

光萬餘里何時重謁聖明君

文苑英華卷二百八十九